

MARIÁN BAÑOBRE Actriz

“Din que me parezo fisicamente e no meu carácter ao director americano”

A ferrolá representa mañá no Teatro Jofre “A filla de Woody Allen”

ENTREVISTA
NICOLÁS VIDAL

Probablemente Marián Bañobre non é unha profeta na súa terra. Esta actriz ferrolá, que leva dous premios María Casares as súas costas e unha traxectoria nos grupos teatrais máis importantes do país, trae mañá ao Teatro Jofre (20.00 horas) “A filla de Woody Allen”, un espectáculo da súa compañía Ibuprofeno que ten xa catro anos e que nunca antes viñera a Ferrol. A propia Bañobre confía en que sexa o comezo dun cambio de tendencia coa súa cidade. Quizais o seu quinto mes de embarazo axude a isto.

Que clase de espectáculo é “A filla de Woody Allen”?

Máis que dun monólogo, nós falamos dun “só” de teatro. Trátase dunha obra de Santiago Cortegoso que entra no universo de Woody Allen. Conta a historia dunha muller que non coñece a seu pai e que vai a Nova York para facelo. O espectador sabe quen é o seu pai, o título da obra

está aí, pero ela só ten pistas a través de regalos que lle foi facendo el ao longo do tempo. Aínda que é unha homenaxe a Allen, e un traballo que establece unha grande complicidade co espectador e fala da necesidade da busca da nosa felicidade.

Como xorde a obra?

Santiago Cortegoso sempre dicía que me parecía fisicamente a Woody Allen e tamén no carácter, coas miñas “neurais” e paranoias. De aí parte a idea, pero logo hai un traballo de ver as películas de Allen, investigar o seu mundo e facerlle unha homenaxe. Interesounos a súa linguaxe, a capacidade de darlle a volta a todo tipo de temas. Iso si, deixando de lado a súa vida persoal.

A obra xa ten catro anos. Con esa traxectoria o público a recibiría ben, non?

Estupendamente, de feito queremos saír para o ano fóra de Galicia e incluso a Sudamérica. A obra é unha comedia que ten desde “slapstick” ata baile, pero

tamén un toque de melodrama e a xente vive moitas emocións. Cada escena ten un código de seu.

Como comezou vostede no mundo do teatro?

Nun taller que organizou o Concello de Ferrol e que impartía o actor Andrés Pazos, o protagonista de “Whisky”. Eu tiña 13 anos pero xa me enganchei. Coincidín coa xente de Bartoleta Teatro e Paulo Serantes. Recordo que fixeramos “O enfermo imaxinario”, de Molière, no Jofre.

Desde entón fixo vostede un pouco de todo.

Certamente. Pasei por Casahamlet, Teatro de Ningures, Centro Dramático Galego ou Teatro do Morcego, entre outras compañías, ou o Festiclown. Fundei coa actriz Isabel Risco Maquinaria Pesada, e con Ibuprofeno levamos xa dúas obras. Coa anterior, “Pequenos actos pseudorrevolucionarios” déronme o ano pasado o meu segundo María Casares. No audiovisual traballei en “Air Galicia”, “Escoba”, “O Nor-



Bañobre cun clarinete, imitando ao seu ficticio pai

dés” ou no filme “Pradolongo”.

O seu estado de boa esperanza vaina retirar axiña dos escenarios?

“A filla de Woody Allen” vai a Fe-

rol e logo paro unha temporada, pero os dous últimos meses de embarazo, en xuño e xullo, farei unha micro comedia de 15 minutos sobre a excepcionalidade física: “Vultos”. ■

BREVES

Os Cines Dúplex ofrecen a película independente “9 olas” do director galaico-italiano Simone Saibene

As salas de cine Dúplex proxectan desde onte, e ata o próximo martes diariamente ás 18.00 horas, a película galega “9 olas”, do realizador galaico italiano Simone Saibene. A cinta, que une a lenda popular e a poesía sobre un home que esquece o seu pasado, está financiada a través de “crowdfunding” e protagonizada por Isabel Risco, María Tasende e Dario Melini.

Mesturas e Columba organizan en maio a mostra fotográfica “Ruta de los gigantes”

A asociación cultural Mesturas, en colaboración coa sociedade Columba inaugura o próximo 3 de maio no local da AVV de Covas a exposición fotográfica “Ruta de los gigantes”. Trátase dos traballos do encontro e ruta fotográfica organizada polas dúas entidades culturais durante o pasado mes de abril.

A Agrupación Instrutiva de Caamouco participa en Sarria no Encontro de Asociacións Culturais

O sábado 31 de maio o concello lucense de Sarria acollerá o VII Encontro de Asociacións Culturais no que volve participar a Agrupación Instrutiva de Caamouco nunha ruta de sendeirismo. O prazo de inscrición estará aberto entre o 1 e 20 de maio. Conta con prazas limitadas. Todo aquel que se queira apuntar na actividade terá que chamar ao 674 482 793.

Actuación matinal do dúo Os Homínidos en Cantón Vello, e de Dpunto pola noite en Pinsapo Bar

A taberna Cantón Vello celebra ás 14.00 horas a súa sesión vermú co dúo Os Homínidos, formado por Cabe García e Juan Padín, que interpretan todo tipo de estilos e temas. Xa pola noite, ás 23.55 horas, comeza no Pinsapo Bar un concerto doutro dúo, neste caso os naroneses Susana Adalid e Miguel Lunis, Dpunto, que interpretan éxitos do pop dos 80 ata hoxe.

SPORT ZONE

TU TIENDA DE DEPORTES

Ven a conocernos en...

Sport Zone Ferrol
C. C. y de Ocio Odéon, Polígono de A Gándara S/N

DALE PEDALES

> CAMPAÑA
3/6/10 MESES
SIN INTERESES
TAE 0%*

389^{00€}
299^{90€}

49^{98€}
X 6 MESES
SIN INTERESES
TAE 0%

*Comisión sobre la financiación de Sport Zone Consumer Finance S.A. TAE 0% TIN 0%
Intereses sobre financiación por Sport Zone
ver condiciones en el Departamento Crédito o SAL (Servicio de Atención al Cliente)
Todos los precios incluyen IVA